

TE HEHEURAA API

»»»»»
DITEMA 1938

E OTI IA'U

E HOÊ hanere matahiti i mairi a'enei, ua hamanihia to te Marite pereoo auahi matamua. Na mua râ i te reira, ua afai-noa-hia mai te mau pereoo auahi Baretane i Marite. I te matahiti 1831 ua faauê atura te hoê Sotaiete i te hoê taata apî e te maramarama, o Matthias Baldwin to'na i'oa, ia hamani i te pereoo auahi no ratou ra.

Ua tae maira te tahi pereoo auahi apî no te fenua Baretane no te tahi Sotaiete ê ra, haere ihora teie taata maramarama i te hi'ohi'o haere i te mau tufaa no taua pereoo auahi apî ra, hon te tamauraahia i te reira. Hi'ohi'o maite a'era oia, e nee atura i raro iho i te tura rahi, e afa hora tei pau ia'na i reira. Tia'tura oia i nia ma te mata anaana, mai te mea râ e, e ite rahi tei noaa ia'na.

Ua na ô a'era taua taata nei e, **E oti ia'u**. E faaroo rahi to'na ia'na iho; ahiri râ oia i faaea i reira, aita ia i oti ia'na te pereoo auahi. Haamata ihora râ oia i te ohipa na to'na ra Sotaiete ma te ite e, e ohipa rahi ta'na e rave ra, aita râ oia i faaea; na to'na iho rima i rave te rahiraa o te ohipa. Pau a'era na ava'e e ono, tere ihora to'na pereoo auahi ra, o *Old Ironside* to'na i'oa. O te pereoo auahi matamua ia tei hamanihia e to Marite. O te faatiaraa hoi ia o te mau parau a taua taata ra, oia hoi, *E oti ia'u*.

Te ite nei tatou e, ua haapaohia e taua taata hamani pereoo auahi nei, te mau parau a Iesu. Ua na ô maira oia e, *E ore te feia e parau mai ia'u ra e, E te Fatu, e te Fatu, e hope paatoa i te tae i te basileia ra o te ao, o te taata râ i haapao i te hinaaro o ta'u Metua i te ao ra.* (Mataio 6:21)

Na roto i teie nei irava e ite ai tatou e, ia ore te faaroo ia faarirohia ei ohipa e mea faufaa ore ia. Eaha te faufaa o te tamuta ia ore to'na ite ia faaohipahia? Ahiri e, te tomo ra

puai o te
a'e Sete-
faehau o

Amerika
Nuu faehau
474, 378

Puruna.
116 pahî:
400,000 tane

: Puru-
oni; Pe-

mau hau
Paniora
hau i Eu-
a'i, to ra-

to'na pe-
26 no te
i te hoê
ere o to'-
ahi taata
nora hoê.

sia

hiti.

te hoê pahi i tua, e aita te taata taniuniu reva i faatae atu i te parau, *A tauturu mai*, ua faufaa ore ia to'na ite. Ua tano teie parau o te na ô mai e, *Mai te tino nei hoi ia ore te varua ra, e mea pohe ia, oia atoa te faaroo aore e ohipa ra, e mea pohe atoa ia.* (Iakobo 2:26)

E ohipa rahi tei ravehia e Iesu ra, a haere ai oia i nia i te ao nei; ua ora te feia ma'i, ua haere hoi te pirioi, ua ite te matapo, ora faahou maira tei pohe, e e rave rahi atu â te mau huru semeio o te ore i rave-ê-hia-na, e tei ore hoi i rave-faahou-hia. Te maere nei tatou i taua mau mea ra, teie râ ta Iesu faaiteraa i te reira; *Amene, amene, e parau atu vau ia outou, o te faaroo mai ia'u ra e rave atoa oia i teie, no te mea te haere nei au i ta'u Metua ra. Ua hinaaro outou ia'u ra e haapao i ta'u parau. Tei ia'na ta'u ra parau e ua haapao oia i taua parau ra, oia tei hinaaro mai ia'u, e tei hinaaro mai ia'u ra, e herehia mai oia e ta'u Metua ra, e e here hoi au ia'na, e e faaite atu hoi au ia'na ia'u iho.* (Ioane 14:12, 15, 21)

No reira, e nehenehe noa ia noaa i te taata nei te mana ia rave i te ohipa mai ta Iesu, e ia rave hoi i te ohipa rahi a'e. Ia noaa râ taua mana ra i te taata, ia faaroo i te Mesia e haapao hoi i ta'na mau faaueraa, oia hoi, ia amuihia te ohipa e te faaroo e tia'i. Aore roa te faaroo ana'e e faaora i te taata. Ahiri aita te taata hamani pereoo auahi i tuati i te ohipa i to'na faaroo, eaha ia tei noaa ia'na?

E ere to tatou faaineineraa i te parahiraa i te basileia o te Metua ra te mea fifi a'e i te hamaniraa i te pereoo auahi, mai te mea e parau tatou e **E oti ia'u**, e e faatia ihoa i te reira parau na roto i te **ohipa**.

Papahia e Teneta, Orometua.

EDITORIALE

E mai te mea e faaroo te mau Etene i te Arenio a te Atua i te mahana e faaite mai oia ia'na iho ia ratou na roto i te parau, e te mana, oia mau ia, i te faaoreraa i to ratou mau tursoriraa; E ia ore ratou ia faaetaeta i to ratou aau i te Arenio a te Atua, e amuihia ratou i te huaai o to oe ra metua, oia ia, e amuihia ratou i te utuafare o Iseraela; e e riro ratou ei feia haamaitaibia i nia i te fenua i paraubia ra e a muri

noa't
ore h
raha
pa, e
ta ra
hoi te
au i
taata
hi, i t
ia, i t
hoi o
e te v

T

1. E
2. U
3. U
4. E
5. E
6. E
7. E
8. U
9. E
10. E

Ten

noa'tu; e ore ratou e tuu-faahou-hia i raro i te tîtiraa; e e ore hoi te utuafare o Iseraela e haama. Mai te mea e tata-rahapa te mau Etene, e maitai to ratou; o te ore e tatarahapa, e pohe ia oia. E teie nei, aue te mau Etene e, ia faaetaeta ratou i to ratou aau i te Arenio a te Atua. Te vai atura hoi te tau, te na reira maira te Arenio a te Atua, e rave ai au i te hoê ohipa rahi e te maere i rotopu i te tamarii a te taata nei; e ohipa vai maite i te hoê pae, e aore ia, tei te tahi, i te faaoraraa ia ratou i te hau e te ora mure ore, e aore ia, i te vaiihoraa ia ratou i te etaeta o to ratou aau e te poiri hoi o to ratou mana'o e tae roa'tu i te tîtiraa, e te pohe tino e te varua atoa hoi i te faatîtiraa a te diabolô ta'u i parau ra.

BUKA A MOROMONA, I Nephi 14:1,2,5,6,7.

TE PARAU AUTAHU'ARAA

No te Ava'e TENUARE

TE MAU TAATA TUIROO O TE FAUFAA TAHITO

A FAATANO I TEIE MAU UIRAA I NIA I TE MAU TAATA'TOA E HAAPIIHIA

1. E peropheta anei oia ?
2. Ua tohu mai anei oia i te tahi mau tohuraa ?
3. Ua tupu anei ta'na mau tohuraa ?
4. Eaha te huru o to'na maitiraahia ?
5. Eaha te mau ohipa i faataahia na'na ?
6. E mea tia anei to'na raveraa i ta'na ohipa, e a ore râ, aita anei ?
7. Eaha te tumu i na reira'i oia ?
8. Ua mauruuru anei te Atua ia'na ? No te aha ?
9. Eaha te rê i roaa ia'na ?
10. Eaha te faufaa rahi no to'na ora ?

Tenuare 1. ADAMU. Genese 1:26-29; 2:7,15-25; 3; 4; 5:1-5.

" 8. KAINA raua o ABELA. Genese 4.

" 15. NOA. Genese 5:30-32; 6; 7; 8; 9.

" 22 e te 29. ABERAHAMA. Genese 12; 13; 14:13-24; 15; 17; 18; 20; 21; 22; 25:1-7.

Na Te Mau Maapii Mahaere na te mau Utuafare

TE ORO'A O TE PANE E TE PAPE

Eaha te auraa mau o te oro'a o te pane e te pape ia tatou?

Nō to tatou rave-pinepine-raa i te oro'a i te mau Sabati atoa, e faarirohia paha te reira ei mea rave-noa-hia, mai te mea eita tatou e feruri pinepine i nia i te auraa mau o taua oro'a mo'a ra. Ia rave te hoê melo o te Ekalesia nei i te oro'a, e faaapî oia i ta'na fafau i te Atua ia *haapao maitai i ta'na mau faaueraa ta'na i horoa mai ia'na ra*. Ua faaapîhia teie nei fafau i te mau pureraa Oro'a atoa a rave ai te taata i te pane e te pape. Te vai atura anei te tahi fafau mai te reira te tuutuu ore?

Ua faaauhia teie fafau nei i mua i te aro o te mau melo o te amaa, te mau taata faatere, e te Atua hoi. Ia haamana'o noa tatou i te reira e maitai ai, ia ore tatou e faariro i te reira ei ohipa ma te auraa ore. O te reira raveraa i te oro'a ra, o te hoê ia fafau ia *haamana'o â ia'na e a muri noa'tu,—ia vai noa to'na varua i roto ia ratou*.

Ia rave tatou i te oro'a ra, e faaite ihoa tatou i to tatou hinaaro i te rave i te i'oa o te Tamaiti a te Atua te Faaora o to te ao nei, i nia iho ia tatou. E faaiteraa te reira o to tatou farii-papu-raa i te Evanelia, e te hinaaro mau i te haapae i te mau pen ino o to te ao nei e pee-papu-noa i muri a'e i te mau haapiiraa a te mau tavini a te Atua.

Oia hoi, e fafau papu roa tatou ia faatura tatou i te maha-na Sabati, ia haapao i te ture no te Tufaa Ahuru e te Parau Paari atoa hoi, ia tamau noa i te rave i te ohipa a te Evanelia ia faatia-noa-hia â to'na Basileia, ia tauturu noa i te feia veve, ia faatura e ia aroha hoi i to tatou taata tupu, ia faaroo e ia haapao hoi i te parau a te mau tavini a te Atua, e ia faatano noa i to tatou oraraa i te Evanelia a Iesu Mesia.


E
haan

TE FAATLARA O TE ORO'A O TE
PANE E TE PAPE

Ia h
hahae
no te
tamar
noa-h
mai te

E hia o te Feia Mo'a i te Mau Mahana Hopea Nei o tei haamana'o noa i teie mau mea ra a rave ai tatou i te oro'a?

TE FAATIAAA O TE ORO'A O TE
PANE E TE PAPE



Ua rave ihora oia i te pane, haamaitai atura i te Atua, vavahi ihora, tuu atura ia ratou ra, na ô atura, O tau tino teie e horoahia na outou nei, e na reira outou ei mana'oraa ia'u. E ua na reira atoa hoi i te a'ua ia oti a'e te amuraa, na ô atura, Teie nei a'ua, o te faufaa apî ia i to'u nei toto, e haamanihia no outou nei.

LUKA 22:19-20.

Ia haapii te mau taeae habaere i teie parau e maitai ai, a habaere ai ratou i te mau utuafare. A tai'o atoa i na pure no te oro'a, e a faaitoitō i te mau melo atoa o te Ekalesia i te tamau-noa-raa i te rave i te ohipa a te Fatu, ia haamaitai-noa-hia tatou, e ia vai noa te varua o te Atua i roto ia tatou, mai te au i tei faaitēhia i roto i na pure.

TE SOTAIETE VAHINE TAUTURU

No te Ava'e TENUARE

Irava tamau aau: 1 Nephi 13: 16

E ua hi'o atura vau, o Nephi, i te mau Etene, o tei haere atura mai roto atu i te tâtîraa, e ua faahaehaa ihora ratou ia ratou iho i mua i te Fatu; e tei nia mai ia ratou te mana o te Fatu.

HAAPIIRAA

Mahana Maha (Matamua)

Mahana iritiraa mana'o.

A maiti na tuahine no tehahaerei te mau utuafare ma te haapii haere i te parau no te RIRI. Parau tumu: *Te parau nei râ vau ia outou, o te taata i riri noa i to'na taeae, e au atoa ia'na te haavaraa; e o te parau atu i to'na taeae, e Raka, e au ia'na te haavaraa; area o te parau atu e, e Maamau, e au ia'na te auahi i hade.* (3 Nephi 12:22; Mataio 5:22; Iakobo 1: 19-20)

Mahana Maha (Piti)

Ua itehia te tino ahuru ma piti e te mau peropheta tahito na roto i te mana o te Atua. (1 Nephi 1:9-11; 11:29; 14:18-27)


Mahana Maha (Toru)

No te aha Iesu i maiti ai i te tino ahuru ma piti aposetolo? (1 Nephi 12:9; Luka 22:30; Apokalupo 21:12-14)

Te huru o te mau melo o te tino ahuru ma piti aposetolo. (Ioane 1:35-51; Galatia 2:11; Luka 9:52-55; Ioane 20:25)

Mahana Maha (Maha)

A faairi i teie mahana ei mahana hi'opoaraa, e a ore râ, ei mahana raveraa ohipa.



TE FEIA API.

OHIPA NO TE AVA'E TENUARE.

Irava tamau aau: Hiro'a Faaroo N^o 1.

Te faaroo nei matou i te Atua, te Metua mure ore, e i Ta'na Tamaiti ia Iesu Mesia, e i te Varua Maitai hoi.

>>><<<<

E Haapiiraa No Nia I

TE ATUA.

1. **Te vai-mau-raa o te Atua:** O te faaroo i te Atua, o te niû ia o te mau haapaoraa'toa, oia hoi, ua faatiahia te mau Ekalesia atoa i nia i te niû o te faaroo i te Atua. E mea huru e te mau haapiiraa a te mau Ekalesia no nia i te tahi mau vahi; ua tahoêhia râ ratou paatoa i te haapiiraa no te vai-mau-raa o te Atua.

Ua faatiahia te faaroo o to te ao nei i te oraraa o te Atua na nia i te tahi mau tumu e rave rahi. Ia amuihia râ taua mau tumu e rave rahi ra i roto i teie na tumu e toru nei: (1) Te mau parau tuatapapa tei papaihia mai te matamua mai â. (2) Te mau mea i feruri-noa-hia e te mau taata iho nei. (3) Te mau heheuraa ta te Atua i tuu mai i To'na mau peropheta.

1. **Parau Tuatapapa:** Te faaite mai nei te Bibilia e, ua hamani te Atua i te mau mea'toa, e e rave rau te mau peropheta o tei ite Ia'na e o tei faaroo i To'na reo e o tei tauturuhia hoi e Ana.

2. **Te Feruriraa o te Taata nei:** Ia feruri te taata no nia i te mau ture natura, e ite ihoa oia e te vai nei te hoê mana rahi o tei hamani i te mau mea atoa ra. E taua mana ra, o to te Atua ia mana. Ia hi'o tatou i te huru o te ao nei; e mea hau roa'tu te reira i te nehenehe i te mau mea atoa i hamanihia e te taata nei; e no reira, e mea tia roa ia feruri tatou e ua hamani te Atua i te ao nei e te mau mea atoa i raro nei. (A tai'o i te Salamo 14:1).

Te Mau Uiraa: 1. Eaha te niû o te mau Ekalesia atoa ? 2. Ua ta-hoêhia te mau Haapaoraa'toa i teihea haapiiraa ? 3. Eaha te tumu mata-mua no to te ao nei faarooraa i te Atua ? Eaha te piti ? Eaha te toru ? 4. E tai'o tatou i te parau faaite no te Atua i teihea mau buka ? 5. O vai te ore e faaroo i te Atua ?

Haapiiraa Piti No Nia I

TE ATUA. (e tuatiraa)

1. Te mau Hehe raa no o mai i te Atua: O te hoê ia ravea ia ite tatou e te vai mau nei te Atua.

Ia tai'o noa te taata i te mau buka mo'a e ia feruri hoi no nia i te mau ture natura e mana'o ihoa oia e te vai nei te Atua. Tera ra, na roto i te heheuraa e ite papu roa te taata i te vai-mau-raa o te Atua.

Ua faaite mai te Atua Ia'na iho i To'na mau peropheta ra i te tau tahito e i teie tau hopea nei atoa hoi.

Mose: Ua fâ maira Iehova ia Mose i roto i te auahi i ropu i te hoê pu aihere. *E ua na ô maira oia, O vai te Atua o to mau metua, O te Atua o Aberahama, e te Atua o Isaaka, e te Atua o Iakoba. Ua purou ihora Mose i to'na mata, i mata'u hoi oia ia hi'o atu i te Atua. (Exodo 3:1-7)* Na muri a'e i to Mose fariiraa i te mau ture a Iehova i Sinai ua na ô maira te Atua ia'na e, *E na o atura oe i te tamarii a Iseraela, Ua ite hua a'enei outou e ua paraparau vai ia outou i roto i te reva nei. (Exodo 20:22)* Haere atura Mose, e o Aarona, e o Nadaba, e o Abihu, e na matahiapo o Iseraela e hitu ahuru ra, i nia i te mou'a. *Ite atura ratou i te anaana o te Atua o Iseraela. (Exodo 24:9, 10)*

Isaia: Ua ite mata Isaia i te Atua i te parahiraa i nia i To'na terono teitei. *Ua na ô a'era hoi au, Aue hoi au nei e ! ua mamu iho nei au; e taata vaha viivii hoi au; e tei rotopu hoi au i te mau taata vaha viivii atoa i te parahiraa; ua hi'o hoi ta'u mata nei i te arii, ia Iehova sabaota ra. (Isaia 6:1-5)*

Te tau no Iesu: I te taime o to Iesu bapetizoraahia e i te taime hoi no To'na faahuru-ê-raahia, ua tae mai te reo o te Atua ma te parauraa mai, *Tau Tamaiti here teie, ua mauruuru roa vai Ia'na. (Mataio 3:17; 17:1-5)*

Setep
maite
e ia Ie
pa 7:5

Iosep
(io oia
ia'na
Atua
no te r
to i te

Te M
nei te A
te parau
4. O vai
5. No te
parau m
taata o t
perophet

Toot
(te Tar
te upoc
na taut
mau oh
rave ol
Varua
te Tort
tootoru
na'o, te

I te t
Hi'o a'
uupa r
maira r
teie, ua
papu-m

Setephano: *I a'era râ oia i te Varua Maitai, e hi'o tamau maite atura i nia i te ra'i, e ite atura i te hanahana o te Atua, e ia Iesu i te tia-maite-raa i te rima atau o te Atua ra. (Ohipa 7:55)*

Iosepha Semita: I teie tau hopea nei ua ite mata Iosepha (io oia te Peropheta matamua i teie tau hopea nei, e na roto ia'na i faaho'ihia mai ai te Ekalesia mau a te Fatu) i te Atua Metua, e i Ta'na Tamaiti hoi e te tahi atu â mau ve'a no te ra'i mai. E haapii râ tatou i te parau no te reira i roto i te mau haapiiraa i mua.

Te Mau Uiraa: 1. Eaha te hoê ravea ia ite papu maitai tatou e te vai nei te Atua ? 2. Ua fâ maira Iehova ia Mose na roto i te aha ? 3. Eaha te parau ta te Atua i faaue atu ia Mose ia faaite mai i te tamarii a Iseraela ? 4. O vai na taata toomaha tei ite i te anaana o te Atua i nia i te mou'a ? 5. No te aha Isaia i parau mai ai e, " Aue hoi au nei e ? " 6. Na vai i parau mai i te baptizoraa o Iesu ? Eaha Ta'na parau ? 8. O vai te tahi taata o tei ite i te Atua e Iesu na muri a'e i to Iesu poheraa ? 9. O vai te peropheta matamua i te tau hopea nei o tei ite i te Atua ?

Haapiiraa Toru No Nia I

TE TORUTAHĪ.

Tootoru hoi e faaite i nia i te ra'i, o te Metua, te Logo, (te Tamaiti) e o te Varua Maitai. (1 Ioane 5:7). O te Metua te upoo o taua tootoru ra; o te Tamaiti e te Varua Maitai, o na tauturu ia No'na ra. Tei te Atua Metua te faatereraa i te mau ohipa atoa i opuahia i te rave ra. O te Tamaiti ra, o te rave ohipa ia no te Torutahi (Ioane 6:38). E te ohipa o te Varua Maitai ra, o te faaiteraa mai ia o te mau faaueraa o te Torutahi. (Ioane 16:13-14) Ua taa-ê-maitai teie na melo tootoru o te Torutahi ra, ua hoê râ ratou i te ohipa, te mana'o, te aroha e te mau maitai atoa ra.

I te taima o to Iesu baptizoraahia ua vetea te ra'i Ia'na, *Hi'o a'era Oia i te Varua o te Atua i te pouraa mai, mai te uupa ra, e te tauraa mai i nia iho Ia'na; E inaha o te reo maira no te ra'i mai, i te na o raa mai e, Ta'u Tamaiti here teie, ua mauruuru roa Vau Ia'na. (Mataio 3:16-17) E faaite-papu-maitai-raa teie i to ratou taa-ê-maitai-raa. Te vai ra*

Iesu i te pae tino (te hoê ia), ua pou mai te Varua Maitai (te piti ia), e ua parau mai te Metua (te toru ia).

Te Atua Metua: E tino hanahana to te Atua. E rave rahi te mau peropheta tei faaite mai e tino To'na. *Hamani ihora hoi te Atua i te taata ma to'na iho huru, i hamani oia ia'na ma te hoho'a o te Atua ra.* (Genese 1:27) E ite hope to te Atua, (Ohi. 15:18) e paari hope atoa To'na. Tei Ia'na hoi te mana e hope roa'e e tia'i Ia'na ia faaoti roa i te mau huru ohipa atoa e hinaarohia e Ana ra, e aita e tia i te hoê noa'tu huru mea i te faaore i To'na mau opuaraa. (Dan. 4:35) E aroha faito ore hoi to te Atua, e eita Oia e haapao i te huru o te taata. E oto rahi To'na ia rave ta'na mau tamarii i te hara, tera ra, e mea oioi roa Oia i te faaore i te hara, ia tatarahapa te taata.

Te Mau Uiraa: 1. E hia taata tei roto i te Peretiteniraa o te Ra'i? 2. No te aha ratou i parauhia'i e "Te Torutahi"? 3. O vai te upoo o te Torutahi? 4. Eaha ta te Tamaiti ohipa? 5. Eaha ta te Varua Maitai ohipa? 6. Eaha te hoê irava tei faaite papu mai e, na taa-ê maitai ratou te tahi i te tahi? 7. Ua hoê ratou i te aha? 8. Eaha mau ia to te Atua Metua huru?

Haapiiraa Maha No Nia I Te

TE TORUTAHĪ. (e tuatiraa)

Te Tamaiti: *Ua parau atura Iesu, Aore outou i ite Ia'u e Ta'u Metua atoa, ahiri outou i ite Ia'u ra, ua ite atoa ia outou i Ta'u Metua.* (Ioane 8:19) O Iesu te Tamaiti Fanau Tahia te Atua Metua e te Faaora no teie nei ao. No To'na taraehara e faaorahia'i te mau taata atoa. (1 Petero 1:18-20) O Oia te upoo o Ta'na Ekalesia. (Ohipa 5:31; Kolosa 1:18) E tino hanahana To'na, mai to te Atua (Luka 24:39); e te faaea nei Oia i te rima atoa o te Atua. (Ohipa 7:55)

Te Varua-Maitai: *Na te Faaa'o ra, na te Varua Maitai ra, o ta te Metua e tono mai ma to'u nei i'oa ra, na'na e haapii mai ia outou i te mau mea atoa; e e faaite faahou mai hoi ia outou i te mau parau atoa ta'u i parau atu ia outou na.* (Io-

ne 14
o te t
te rim

Te I
tahi a t
auraa
5. Eah
7. Nah

E am
repo, n

Ten

Inaha
feia. In
roa'i i
muri no

Ten

ne 14:26) E varua ana'e Oia, o te fariihia e te mau taata atoa o te tomo i roto i te Basileia o te Atua, na roto i te tuuraa i te rima. (Ohipa 5:32; 8:15-20; 19:2-6; Mataio 3:16)

Te Mau Uiraa: 1. No te aha Iesu i parauhia'i "Te Tamaiti Fanau tahi a te Atua"? 2. O vai te upoo o ta Iesu Ekalesia? 3. Eaha to Iesu auraa i te Atua Metua? 4. Hoê â anei te Faaa'o e te Varua Maitai? 5. Eaha ta te Varua Maitai ohipa? 6. No te aha Oia i tonohia mai ai? 7. Nahea te taata e farii ai Ia'na?

HAAPIIRAA SABATI

No te Ava'e TENUARE

PUPU PARAIMERE

Irava tamau aau: *Genese 3:19*

E amu oe i ta oe maa ma te hou i nia i to rae, e ho'i noa'tu oe i raro i te repo, no reira mai hoi oe; e repo hoi oe, e e ho'i faahou atu â oe i te repo.

HAAPIIRAA

Tenuare 1. Te aamu no te ô nehenehe. *Genese 1; 2; 3.*

" 8. Te aiû matamua i te ao nei e to'na teina.

Genese 4:1-18.

" 15. Te pahi rahi o tei faaora i na taata toovau.

Genese 5:13-22; 7;8.

" 22. Te aamu no te haerea roa. *Genese 12; 13.*

" 29. Hi'opoaraa.

PUPU PITI

Irava tamau aau: *Etera 3:14*

Inaha, o vau tei haapaohia mai te tumu mai â o teie nei ao e faaora i to'u feia. Inaha, o vau o Iesu Mesia. O vau te Metua e te Tamaiti. No'u nei e roaa'i i te mau taata atoa, o ratou te faaroo i to'u i'oa, te maramarama e a muri noa'tu; e e riro ratou ei tamarii tamaroa e ei tamarii tamahine na'u.

HAAPIIRAA

Tenuare 1. Te haerea o te atĩ Iareda na muri a'e i te

faahuru-ê-raa-hia o te mau reo.

Etera 1:33-37; 2:1-13.

Tenuare 8. Te hamaniraahia o te mau pahi e te atĩ Iareda
no to ratou haerea.

Etera 2:16-25; 3:1-6.

" 15. Te faaruerāa o te atĩ Iareda i to ratou fenua
ai'a.

Etera 6:2-12.

" 22. Te tupuraa o te mârô i rotopu i te mau taata
o te atĩ Iareda.

Etera 6:27-30; 7:4-11.

" 29. Hi'opoaraa.

PUPU TORU e te MAHA

Irava tamau aau: *Helamana 4:24*

E ua ite ratou e, ua paruparu ratou mai to ratou ra mau taeae, o te atĩ
Lamana, e aita'tura te Varua o te Fatu e faaora â ia ratou ra; oia mau, ua
taa ê te reira ia ratou no te mea e ore te Varua o te Fatu e vai i roto i te
hiero viivii ra.

HAAPIIRAA

Tenuare 1. To te atĩ Nephi mau peapea. *Helamana p. 1.*

" 8. *Helamana te tamaiti â Helamana.* "

Helamana p. 2.

" 15. Te mau paturaa pua o te atĩ Nephi.

Helamana p. 3.

" 22. Ua haaparuparuhia te atĩ Nephi no ta ratou
mau hara.

Helamana p. 4.

" 29. Hi'opoaraa.

HAAPIIRAA PARAIMERE

No te Ava'e TENUARE

Irava tamau aau: *Salamo 28:7*

*O Iehova ta'u puai e ta'u paruru; te tiaturi nei ta'u aau
ia'na, e ua turuhia mai au; i rahi ai te oaoa o to'u nei aau; e
haamaitai au ia'na i te himene:*

Te haponohia nei te mau haapiiraa na te Pūpū Paraimere
re i te mau peretiteni o te mau pūpū i te mau amaa.

paoraa
tatou E

1. Te
ruuraa

2. Te

3. Te

4. Te

Te ho
pūpū at
roo e to
Tauturu
ia tatou

Aita
i te rahi
melo i te
atoa-hia
rahi te
taatoara
i te reira
o te hae
o ta rato

Ia hae
ai, ia im
e ia amu
hoi, te n
melo ma
hia paha

E te fa
tou, e te
roto i te

TE OHIPA A TE MAU TUAHINE

O TE

SOTAIETE VAHINE TAUTURU

U A faatiahia te Sotaiete Vahine Tauturu no te tautururaa i te feia tei roohia i te ati, e no te haapaoraa hoi i te ohipa pae varua o te mau tuahine i roto i ta tatou Ekalesia. O teie ia taua ohipa pae varua nei:

1. Te ite-papu-raa i te mau tumu no te ora, e te haamaururaa no taua ora ra.

2. Te faaroo rahi i to tatou Metua i te ra'i ra.

3. Te ite-papu-raa i te mau tumu no ta te Atua ohipa.

4. Te iteraa i to tatou auraa i to tatou Atua i te ra'i.

Te horoa nei te Sotaiete Vahine Tauturu i te ravea i to te pūpū atoa, ia faaite pinepine tatou i te rahiraa o to tatou faaroo e to tatou ite. E te tuu atoa nei taua Sotaiete Vahine Tauturu nei i te ravea ia tauturu te tahi i te tahi, e ia noaa ia tatou te tahi mau hoaraa nehenehe roa.

Aita e rahi te mau melo i roto i te Sotaiete o tei ite papu i te rahiraa o to ratou iho faufaa i te amaa. Ia faarahi te hoê melo i ta'na horoaraa, oia hoi, i ta'na tautururaa, e faarahi-atoa-hia te rê ta'na e farii no taua ohipa maitai ra. E ia faarahi te hoê tuahine i ta'na ohipa maitai, e haamaitahia te taatoaraa o te Sotaiete no taua tuahine iho meloraa ra i roto i te reira. E mea tia roa i te mau melo ia haamana'o noa e, o te haere-noa-raa i te mau pureraa i te mau hepetoma'toa, o ta ratou ia ohipa tuutuu ore.

Ia haere mai tatou i te mau pureraa ma te itoitoe e maitai ai, ia imi tatou i te mau ravea'toa ia faarahihia to tatou ite, e ia amui-atoa-hia te mauruuru e te oaoa i roto ia tatou, oia hoi, te mauruuru e te oaoa no te ora. Ia riro te hoê taata ei melo maitai i roto i ta tatou Ekalesia i teie mahana, e maitihia paha oia ei taata faatere i te tahi mahana i mua nei.

E te faaite haehaa'tu nei au i te tahi mau ravea rii ia tatou, e te mau tuahine e, ia riro tatou ei mau melo maitai i roto i te Ekalesia a Iesu Mesia i te Feia Mo'a i te Mau Ma-

hana Hopea Nei, e ia faariro hoi ia tatou ei hi'oraa maitai, ia pee-papu-hia tatou e te tahi atu â mau taata:

1. Ia haapao i te mahana Sabati, e te mau ture no te reira.
2. Ia rave noa i te pane e te pape, ei haamana'oraa i to tatou Fatu.
3. Ia pure noa tatou i roto i to tatou iho mau utuafare.
4. Ia faariro i te mau melo atoa ei hoa no tatou, e eiaha hoi e faaroo i te hoê parau faainoraa ia ratou.
5. Ia imi o tei oto e o tei mihi e tauturu ia ratou, ia faaoaoahia ratou.
6. Ia tauturu noa i te faariroraa i te amaa ei vahi hau e te nehenehe.
7. Ia faatupu i te oaoa i roto ia tatou iho, ia haamaitaihia to tatou taata tupu.
8. Ia tauturu noa o tei maitihia ei taata faatere i nia a'e ia tatou.
9. Ia imi i te maitai i roto i te mau taata'toa, e tauturu ia ratou na roto i te parau faaitoitioraa ia ratou.
10. Ia vai ineine noa ia rave i te ohipa tauturu i te mau hora e te mau mahana atoa.
11. Eiaha e faatia i te hoê mana'o ino ia tupu i roto ia tatou iho.
12. Ia faatura i to te tahi mau taata feruriraa, e to ratou mau mana'o hoi.
13. Ia haapii tatou ia tatou iho, tamata noa ia faarahi tatou i to tatou mau taleni maitai, e pure noa i te Atua ia faarahihia to tatou mana ia haapae tatou i te mau mea ino atoa.
14. Ia faaâ i to tatou iho mau utuafare i te hau.

Ia tamata itoito tatou paatoa, o tei parauhia te Feia Mo'a i te Mau Mahana Hopea Nei, ia faarahi tatou i to tatou maitai. E ia na reira tatou na roto i te rave-noa-raa i te ohipa a te Atua.

Papaihia e A'ona Setefano.

E p

Pur

atî luda

Novem

pohe ro

taata ra

Ua fa

na ô a

Ierusa

e oto 1

mau t

maira

E ao te

nau, e

ra te ta

A mair

mau ai

tou.

te moni r

to te tam

700,000 a

e 4,500 t

tamarii i

Italia.

hoê ture a

ua faaueh

1919 e ta

te mahan

te tiavaru

Aita ho

taata Itali

Fenua

e rave rah

i te fenua

te mau far

Mexico

tauatini ta

TE MAU PARAU APÎ

E peapea rahi to te ati Iuda i na fenua ra i Purutia e Italia.

Purutia: Ua haamata faahou to Purutia i te hamani-ino-raa i te mau atî Iuda atoa i roto i taua fenua ra. I te hoê mahana i te matamua o te ava'e Novema, ua pupuhi te hoê tamaiti i te hoê taata toroa no te hau Purutia, e pohe roa'tura taua taata ra. Ua parauhia e, o taua taparahiraa o te reira taata ra, o te tumu ia no te haamata-faahou-raa o te hamani-ino-raa o te

atî Iuda i reira, no te mea e, ua pohe te reira taata i te hoê o te atî Iuda; e tamaiti huru apî oia, e o Polane to'na fenua.

O teie ia te huru o taua hamani-ino-raa ra: ua vavahihia te mau fare parahiraa, te mau fare toa e te tahi atu â mau faufaa o te atî Iuda. Ua hamani-ino-atoa-hia to ratou mau tino i te tahi mau ravea e rave rahi, e ua parauhia e, ua tae faahou taua hamani-ino-raa i te faito o te mau ohipa matamua, a vai oviri noa'i to te ao nei. Ua tuu-atoa-hia mai te tahi utu'a moni rahi i nia ia ratou, oia hoi, te titau nei te hau Purutia i

Ua fariu maira râ Iesu ia ratou, na ô atura, E te mau tamahine i Ierusalem nei, eiaha e oto ia'u, e oto râ ia outou ibo, e ta outou mau tamarîi. Inaha, te fatata maira te anotau e parauhia'i e, E ao to te ui, e te opu aore i fanau, e te û aore i otehia. Ei reira te taata e parau ai i te mon'a, A mairi mai i nia ia matou, e te mau aivi ra, A tapo'i mai ia matou.

LUKA 23:28-30.

te moni ra. e 3,150,000,000 tara moni Farani, i te mau atî Iuda i reira no to te tamaiti hoê taparahiraa i taua taata toroa no te hau ra. Te vai nei e 700,000 atî Iuda i te fenua Purutia, e te titau nei te hau mai te huru ra e, e 4,500 tara moni Farani i te taata hoê; ua amuhia te mau vahine e te mau tamarîi i taua 700,000 ra.

Italia: Ua peapea-roa-hia hoi te mau atî Iuda i te fenua Italia no te hoê ture apî i taua fenua ra. O teie ia te huru o taua ture apî nei, oia hoi, ua faauehia te mau atî Iuda atoa o tei haere i te reira fenua mai te matahiti 1919 e tae roa mai i teie nei, ia haere i rapae i taua fenua ra na mua a'e i te mahana matamua no te ava'e Mati i te matahiti 1939. Ua mana'ohia e, te tiavaruhia nei e 10,000 tiahapa taata.

Aita hoi te hau Italia i faatia i te hoê o te atî Iuda ia faaipoipo i te hoê taata Italia; aita hoi ratou i faatiahia ia hoo faarahi i te fenua.

Fenua Tapone: Ua pohe roa e 34 taata e ua mo'e roa te tahi mau taata e rave rahi i roto i te hoê ati mata'i i te fenua Tapone. Ua faautahia i nia i te fenua e 24 pahi rahi, e ua parari hoi na hanere poti. Ua haamouhia hoi te mau fare o na tauatini taata e 15 i roto i te oire ra i Tokiyo.

Mexico: Ua pohe roa na taata e 11 e ua haamouhia te mau fare no na tauatini taata e piti e te afa i roto i te ati pape i te fenua Mexico.

maitai,

te reira.

braa i to

fare.

e eiaha

, ia faa-

hau e te

aitaihia

i nia a'e

uturu ia

i te mau

to ia ta-

to ratou

arahi ta-

a ia faa-

no atoa.

ia Mo'a

ou mai-

te ohipa

Setefano.

I roto i te ava'e Setepa i mairi a'enei ua tere o Tihoti EYSTON, te hoê taata Baretane, e 357 maile i te hora hoê na nia i to'na pereoo uira. I te 24 no Novema râ ua faautu'ahia oia i te utu'a ra e pae tara, moni marite, no te meae, te tere ra oia e 37 maile i te hora hoê na nia i te tahi pereoo uira nainai i roto i te oire London.

E maha hanere maile i te hora hoê? Te hamani nei te hoê So-taiete i Marite te hoê pereoo no te imiraa i te rê no te puai o to'na tere. Te na ô mai nei ratou e, e tere taua pereoo uira ra e maha hanere maile i te hora hoê, ia oti te reira i te hamanihia.

Ua maitihia o Ritata L. Evana ei melo no te Peretiteniraa o te pūpū Hitu Ahuru o te Ekalesia a Iesu Mesia i te Feia Mo'a i te Mau Mahana Hopea Nei, ei mono no J. Goladena Kimebera. Ua pohe roa Goladena i roto i te ava'e Setepa i mairi a'enei, e ua maitihia to'na mono i te Amui-raa Atopa, i Roto Miti.

Fenua Tinito. Ua etaeta roa te Tapone i to ratou faatererara i te tama'i i te fenua Tinito. I roto i te mau mahana i mairi a'enei, ua opani ratou i te hoê anavai pape rahi i reira, oia hoi, te anavai Yangtse, i te mau pahi o te mau hau atoa, maori râ, i to ratou iho mau pahi, e aita roa ratou e faatia ia haere te tahi pahi no te tahi hau e i nia i taua anavai ra. Ua tahoê te Farani, te Baretane e te Marite no te imiraa i te mau ravea ia faaore te Tapone i taua ohipa ra; aita râ i manuia. E te na ô mai nei te Tapone i te mau hau atoa e, mai te mea e tamata to ratou mau pahi i te tere i nia i taua pape, e farii mau ihoa taua mau pahi ra i ta ratou utu'a.

No Teie Paeau

I te 10 no te ava'e Atopa i mairi a'enei ua haere o IOSEPHA. Orometua, i te hoê fare ma'i i Papeete no te ma'i ra e "appendicite". Ua tapuhia oia e te taote e ua maitai roa oia i teie nei. Ua faaea oia i te fare ma'i e vau noa iho mahana. Ua mana'ohia e, o oia te orometua Moromona matamua o tei tapuhia no te reira huru ma'i i teie paeau.

Peretiteni Amaa no Amanu. Ua maitihia to tatou taeae ra, o Paea â Tamaoko ei Peresibutero Tiai no te Amaa ra i Amanu, ei mono no Tepiki â Painara tei pohe a'enei.

Peretiteniraa no te mau fenua i nia. I te 6 no Atopa i mairi a'enei ua faatoroahia na taata toopiti ei peretiteniraa no nia a'e i na amaa ra, i Vahitahi, Tauere, Hao, Amanu, Marokau e Hikueru. Ua faatoroahia o Teaopekeiragi â Mariteragi ei peretiteni e o Terikimataifano â Gariki ei tauturu piti no'na ra. Aita â te tauturu hoê i maitihia.

Te hoo o teie nei ve'a:

E pae farane i te matahiti hoê;

E hoê ahuru farane no na matahiti e toru.

Neneihia i roto i te Piha Neneiraa a te Ekalesia a Iesu Mesia

I Te Feia Mo'a I Te Mau Mahana Hopea Nei.

Papeete, Tahiti.

Marcel Bonnet Gérant

Kenneth R. Stevens, Imprimeur.

Rue Dumont d'Urville, Orovini, Papeete, Tahiti.